

V. *Modus Infinitivus*, koi kase kaksze jedna sztvár doverši, y chini, niti nigdar szam vu govo-
renyu prez drugoga Modusa nedojde, y zadersava
vu šzebi vsza tri vremena ali nesztanovitu Persšonu
imajucha, v.g. den Gott lieben, Boga lyubiti, Boga
gesehte ehren, Sztaresse postuvati, &c.

Tempussi illiti vremena, kak recheno, jezsu tri:
Vezdassnye, die gegenwärtige, *preseštno*, vergange-
ne, y *buduche*, und Zukünftige Zeit.

Numerussi illiti broje jezsu dva najmre: *Singula-
ris*, y *Pluralis*, koi pri vszakom verbumu pazitiše
moraju kak vu delu petom recheno je.

Persšone pri vszakom Numerusu jezsu tri, od
oveh obilneje vu Delu oszmom.

Tri Verbume, po kojeh drugi pregibatše ali
conjuguvati moraju, na pervo dajem. *Pervi* szlu-
fil bude za verba *Activa*, illiti koja znamenuju
Chinenye. *Drugi* za *Passiva*, illiti koja znamenu-
ju Terplyenye. *Trejtj* za *Neutra*, illiti koja szamo
Chinenye znamenuju, niti vu Horvaczkom, niti vu
Nemskom nemogu znamenuvati terplyenye.

PERVA CONJUGACZIA

Szlusecha Verbumom Activumom.

Indicativi Præsens.

Singularis.

Ich	habe,	Ja	imam,
du	hast,	ti	imas,
der	hat.	on	ima.